

# EZEQUIEL

## (Echequiéu)

### Echequiéu nangoxetü rü Tupanaxũ nadau

**1** <sup>1-3</sup>Rü yexguma marü 5 ga taunecü Babiróniaanewa nayexmagu ga ãëxgacü ga Yoachí ga yéma nax nagagiãxũ, rü chama i chacherdóte i Echequiéu ya Buchí nane rü yema Yudéugü ga Babiróniaanewa nagagüxũtanüwa chayexma ga natü ga Quebáracutüwa. Rü yexguma ga chama rü 30 ga taunecü choxũ nayexmagu rü wüxi ga ngunexũ meama norü ägümücü ga tauemacü (yúniu) arü 5 ga ngunexũgu rü ngürüãchi cháuxcãx ningena ga dauxüguxũ ga naane rü Tupanaxũ chadau. <sup>4</sup>Rü to ga nüxũ chadauxũ nixĩ ga wüxi ga buanecü ga íxãũxëmacü ga nórchiwaama ne ücü. Rü wüxi ga taxũ ga caixanexũwa nangox ga wüxi ga üxüema ga ãëmacürüxũ ixixũ. Rü norü guxüctüwawa rü porãcü nangóone. Rü yema üxüemaarü ngãxũwa rü yéma nayexma ga wüxi ga taxacü ga nhama brócherüxũ iyauxracüxũ. <sup>5</sup>Rü yema caixanexũarü ngãxũwa nayexma ga ägümücü ga taxacü ga maxëxũ ga naduüxũgüraxũxũ. <sup>6</sup>Rü wüxichigü ga

yema rü naxãgümücüpexátü rü naxãgümücüchametü.

.....

<sup>10</sup>Rü nachiwegü ga yema ägümücü ga naduüxũgüraxũxũ rü nhaäcü nixĩ: rü yema nachametü ga napexewaama üxũ rü nanaduüëchiweraxũ, rü yema norü tügünecüwawaama üxũ rü nanaxaichiweraxũ, rü yema norü toxoxxwecüwawaama üxũ rü nanatuiruchiweraxũ, rü yema naxcãxwena üxũ rü nanaxiyüchiweraxũ. <sup>11</sup>Rü taxre ga naxpexátü rü nangenagü rü nügüwa nayaxüxgü rü guma náí ga taxre rü naxünearü düxruxũ nixígü. <sup>12</sup>Rü yexguma inaxixgu rü nügüpexewaama naxĩ yema Tupanaarü pora ínamugüxũwaama. Rü tama nügüweama naxĩ.

.....

<sup>15</sup>Rü yexguma nüxũ chadawenügu ga yema naduüxũgüraxũxũ, rü wüxichigüxütawa rü nüxũ chadau nax yexma waixümüanegu naxüxũ ga wüxi ga bochicuxũ.

.....

<sup>20</sup>Rü yema naduüxũgüraxũxũ rü ngextá Tupanaarü pora ínamugüxũwaama naxixchitanü. Rü

yema bochicuxĩ rü wüxigu namaxã  
 nayachüxãchitanü yerü yema bochicuxĩ  
 rü yema naduũxügüraxũxũxũnearü  
 datama nixĩgü. <sup>21</sup>Rü yexguma  
 naxĩãxãchitanügu ga yema  
 naduũxügüraxũxũ rü yema bochicuxĩ rü  
 ta naxĩãxãchitanü. Rü yexguma  
 ýachaxãchitanügu ga yema  
 naduũxügüraxũxũ, rü yema bochicuxĩ rü  
 ta ýnayachaxãchigü. Rü yexguma  
 yachüxãchitanügu ga yema  
 naduũxügüraxũxũ, rü yema bochicuxĩ rü  
 ta wüxigu namaxã nayachüxãchitanü,  
 yerü yema bochicuxĩ rü yema  
 naduũxügüraxũxũxũnearü datama  
 nixĩgü. <sup>22</sup>Rü naétüwa ga yema ägümücü  
 ga naduũxügüraxũxũ rü ga naanetüwe rü  
 nichipetümare rü guxüma namexechi.

.....

<sup>26</sup>Rü yema naanetüweétüwa nüxũ  
 chadau ga wüxi ga taxacü ga  
 natochicaxũraxũxũ ga nuta ga mexechicü  
 ya chaferénaxçax ixixũ. Rü yema  
 tochicaxũwa narüto ga wüxi ga  
 naduũxũraxũxũ. <sup>27</sup>Rü yema naayearü  
 dauxüwaama rü niyaxra nhama wüxi i  
 bróche i iguxürüxũ. <sup>28</sup>Rü yema naayetüwaama  
 rü nhama wüxi i üxiemarüxũ nixĩ. Rü  
 guxücüwawa rü poraãcü nangóone. <sup>28</sup>Rü  
 yema norü yaxra rü nhama wüxi ya  
 würa i pucügu nüxũ idauxürüxũ nixĩ. Rü  
 yemaacü nixĩ ga çaxçax nangóxũ ga  
 norü üüne ya Cori ya Tupana. Rü yemaxũ  
 chadaçxu rü nhaxtüanegu chanangücuchi.

**Tupana rü Echequiéuxũ nayaxu  
 norü puracütanüxürüxũ**

**2** <sup>1</sup>Rü nhuxüchi nüxũ chaxñü ga  
 wüxi ga naga ga nhaxũ choxũ: “Pa  
 Yatüx ¡inachi erü tá cumaxã chidexa!”

nhaxũ. <sup>2</sup>Rü yexguma chamaxã  
 ýadexayane rü choxna nangu ga  
 Tupanaãxë, rü choxũ inachixëxë. <sup>3</sup>Rü  
 nüma ga Tupana rü nhanagürü choxũ:  
 “Cumax, Pa Yatüx, rü tá cuxũ natanüwa  
 chamu i ngëma cutanüxügü i  
 Iraéutanüxũ i tama chauga ñnüexũ. Rü  
 nümagü rü nhuxmax rü ta nüxcüma ga  
 norü oxigürüütama tama chauga  
 naxñüe. <sup>4</sup>Rü nümagü i ngëma duũxügü  
 rü yema norü oxigü ga tama chauga  
 ñnüexürüxũ tama choxũ nacuaçgüchaũ.  
 Rü ngëmatanüwa tá nixĩ i cuxũ  
 chamuxũ nax namaxã nüxũ  
 cuyarüxuxüçax i nhaa chorü ore. <sup>5</sup>Rü  
 ngëma duũxügü i tama irüxñüechaũxũ  
 rü ngëxguma cuxũ inaxñüegu rüexna  
 tama cuxũ inaxñüegu notürü tá nüxna  
 nacuaçãchie nax natanüwa marü  
 nangexmaxũ i chorü orearü uruxũ. <sup>6</sup>Rü  
 cumax, Pa Yatüx ¡rü tauxũ i nüxũ  
 cumuũxũ, rü tauxũ i naxçax cumuũxũ  
 ega cuxũ naxãxñüegügu rü woo cuxũ  
 nanguxgu i nhama wüxi i tuxchinawe  
 cuxũ chixgürüxũ! ¡Rü tauxũ i  
 curümaãchixü ega nuchiweãcü cuxna  
 nadaugügu i ngëma duũxügü i tama  
 irüxñüechaũxũ! <sup>7</sup>¡Rü cumax rü namaxã  
 nüxũ ixuama i ngëma chorü ore rü woo  
 tama cuxũ inaxñüegu! Erü nüma rü  
 tama irüxñüechaũxũ nixĩgü”,  
 nhanagürü choxũ.

.....

**Tupana rü Echequiéuxũ namu nax  
 dauxütaeruxũ yixixüçax**

**3** <sup>16</sup>Rü yexguma 7 ga  
 ngunexüguwena rü nüma ga Cori  
 ya Tupana rü chamaxã nidexa rü  
 nhanagürü: <sup>17</sup>“Pa Yatüx, chama rü cuxũ

ichamu nax dauxũtaeruxũ quixĩxũcax natanũwa i ngẽma Iraẽutanũxũgũ. Rũ ngẽxguma taxacũrũ orexũ cumaxã chixuxgu ;rũ namaxã nũxũ ixu i ngẽma chorũ ore nax ngẽmaãcũ nũxũ nacuxgũxũcax! <sup>18</sup>Dũcax, rũ ngẽxguma chi chamax cumaxã nũxũ chixuxgu nax wũxi i duũxũ i chixri maxũxũmaxã chaxueguxũ i poxcu rũ cumax rũ tama cunaxucuxẽgu nax nũxũ naxoxũcax i ngẽma norũ chixexũ, rũ nũma rũ tá nayu nagagu i norũ chixexũ. Notũrũ i chamax rũ tá cuxna chaca naxcax i ngẽma duũxũ erũ tama cunaxucuxẽ. <sup>19</sup>Notũrũ ngẽxguma chi cuma rũ ngẽma duũxũ i chixri maxũxũ cuxucuxẽgu nax nũxũ naxoxũcax i ngẽma nacũma i chixexũ rũ nũma rũ tama nũxũ naxoxchaũgu, rũ ngẽma norũ pecádugagu tátama nayu. Notũrũ i cuma rũ taxucaxtáma cuxna chaca rũ tá cumaxũ. <sup>20</sup>Rũ ngẽxguma chi wũxi i duũxũ noxri mea maxũxgu notũrũ yixcũama rũ nũxũ naxoxgu i ngẽma maxũ i mexũ, rũ ngẽxguma cuma rũ tama cunaxucuxẽgu rũ nũma rũ norũ chixexũgu tátama nayu. Rũ yema mexũ ga noxri naxũxũ rũ chapexewa rũ taxũtáma ínanapoxũ. Rũ nũma rũ norũ chixexũgagu tátama nayuama, notũrũ i chama rũ tá cuxna chaca naxcax i ngẽma duũxũ erũ tama cunaxucuxẽ. <sup>21</sup>Notũrũ i cumax, rũ ngẽxguma chi cunaxucuxẽgu ya yimá duũ nax tama chixexũ naxũxũcax rũ nũma rũ cuxũ inaxĩnũgu nax tama wena chixexũ naxũxũ rũ tá namaxũ erũ cuga naxĩnũ. Rũ cuma rũ tá ta cumaxũ”, nhanagũrũ choxũ ga Tupana.  
.....

**5** <sup>5</sup>Rũ nũma ya Cori ya Tupana rũ nhanagũrũ choxũ: “Dũcax ya yima íane ya Yerucharẽũ. Rũ chama nixĩ ga chanataxẽẽxũ natanũwa ya yima naigũ ya íanegũ ya togũ i nachixũanecũãx. <sup>6</sup>Notũrũ yema norũ duũxũgũ ya yima íane ya Yerucharẽũ rũ chamaxã nanue rũ tama naga naxĩnũechaũ i chorũ mugũ rũ ucuxẽgũ. Rũ guxũnema ya yima naigũ ya íanegũ ya pexna ngaicamanearũ duũxũgũarũ yexera chixri namaxẽ rũ tama naga naxĩnũe i ngẽma chorũ mugũ rũ chorũ ucuxẽgũ. <sup>7</sup>Rũ ngẽmacax i chamax ya Cori ya Tupana rũ nhachagũrũ: ‘Pemax rũ guxũ i togũ i duũxũgũ i pexna ngaicamaxũarũ yexera tama ipexĩnũechaũ rũ tama naga pexĩnũe i ngẽma chorũ mugũ rũ bai peyanguxẽẽgũchaũ i ngẽma togũ i nachixũanegũarũ mugũ.’ <sup>8</sup>Rũ ngẽmacax i chama ya Cori ya Tupana rũ nũxũ chixu rũ nhachagũrũ: ‘Chama rũ tá ta pemaxã chanu, Pa Yerucharẽũcũãxgũx, rũ tá pexũ chapoxcue napexewa i ngẽma togũ i nachixũanecũãxgũ. <sup>9</sup>Rũ ngẽmacax tátama perũ chixexũgũgagu poraãcũ pexũ chapoxcue. Rũ nhaa poxcu i nhuxmax tátama pexcax íchanguxẽẽxũ rũ yema poxcu ga ãpama namaxã pexũ chapoxcuxũarũ yexera tátama nixĩ rũ nhaawena rũ nataxutáma i nangẽxgumaraxũxũ i poxcu.  
.....

<sup>14</sup>Rũ chamax, Pa Yerucharẽũcũãxgũ, rũ tá naga chapogũ ya yima perũ íane. Rũ ípatagũ ya ruyitaxũnexcitama tátama nixĩ ya nũxũ pedauxũne. Rũ ngẽmaãcũ tá guxũ i togũ i nachixũanepexewa pexũ chaxãneexẽxẽ nax pexũ nadaugũxũcax i guxũma i nua chopetixũ. <sup>15</sup>Rũ ngẽxguma

ngêma perü chixexũgagu poraãcü pexũ chapoxcuegu rü guxũarü cugüruxũ tá pexĩgü. Rü guxũma i ngêma togü i nachixũane i pexna ngaicamaxũarü dauxcüraxũruxũ tá pexĩgü. Rü chama ya Cori ya Tupana rü nüxũ chixu i ngêma. <sup>16</sup>Rü chama rü taxũtama i taiya tá pexçax íchanguxêxê rü nhama chuxchi ya pexũ cúxũneruxũ tá pexũ nadai. Rü ngêma taiya rü tá poraãcü nitachigü rü ngêmagagu tá düxwa pengebüe. <sup>17</sup>Rü aixcuma pexçax tá íchananguxêxê i taiya rü daweanerü rü yu. Rü ngêma tá chanamugü i aigü i pexacügü tüxũ ngõxcuxũ. Rü ngêmaãcü tá tagux ya pexacügü. Rü ngêxgumaruxũ ta ngêma tá chanamugü i perü uanügü nax muxema i pema rü daigu peyuexũçax. Rü chama ya Cori ya Tupana chanaxunagü i ngêma.”

.....

**7** <sup>5,6</sup>“Rü chama ya Cori ya Tupana rü nüxũ chixu rü nhachagürü: ‘Düçax, Pa Yerucharéücüãxgũx, rü marü ningaica i ngêma guxchaxũgü i nügüwe ägũxũ i tá pexçax íchanguxêxêxũ. Erü nataxũchi i perü chixexũgü rü ngêmacax i nhuxmax rü düxwa poxcu pemaxã chaxuegu.

.....

**Tupana rü Yerucharéücüãxgũna  
naca norü chixexũçax**

<sup>23</sup>Rü cumax, Pa Echequiéux ;rü wüxi ya curêchi ínamexêxê naxçax i chorü duũxũgü i Yerucharéücüãxgü! Erü tá chanapoxcue naxçax nax poraãcü namáetagũxũ. Rü yima norü íane ya Yerucharéü rü poraãcü chixexũmaxã nanapá. <sup>24</sup>Rü chama tá ngêma chanamugü i to i nachixũanecüãx i

duũxũgü i chixecümaxũ nax ngêmamaxã yayoraãxũçax ya napatagü i ngêma Yerucharéücüãxgü. Rü ngêmaãcü tá chayanaxoxêxê nax nügü yacuãxũüügũxũ i ngêma yatügü i muarü ngêmaxũãxgũxũ. Rü ngêma Yerucharéücüãxgũarü nachicagü i nawa norü tupananetachicünaãxãgũxũ yacuãxũüügũxũ, rü tá chanamu i ngêma norü uanügü nax nagu napogüexũçax. <sup>25</sup>Rü nüma i Yerucharéücüãxgü rü poraãcü tá namuüe. Rü ngêmacax tá naxçax nadaugü nax norü uanügü namaxã irüngüxmüexũ. Notürü ngêma norü uanügü rü taxũtama naga naxĩnüe. <sup>26</sup>Rü nügüwe tá naxãgü i ngêma chixexũgü i Yerucharéücüãxgüçax ínguxũ. Rü ngêxgumaruxũ ta i ngêma nachicagü i chixexũ rü tá nügüwe naxãgü. Rü tá naxçax nadaugü i wüxi i chorü orearü uruxũ nax ngêma namaxã nüxũ íxuxũçax nax taxacüchiga yixĩxũ i ngêma ngupetüxũ. Notürü i ngêma rü tá notüçaxmamare nixĩ. Rü nataxutáma i chacherdótegü i nangúexêxêxũ rü bai i yaxguãxgü i tayaxucüxêgũxũ. <sup>27</sup>Rü nüma ya Yudáanecüãxarü äëxgacü rü nhama nayutanüxũruxũ tá ngechaũ nüxũ nangu. Rü ngêma äëxgacü nane i duũxũgümaxã icuáxũ rü tá ta ngechaũ nüxũ nangu. Rü nüma i Yerucharéücüãx i duũxũgü rü norü muũmaxã tá niduxrue. Rü ngêma nax nhuxãcü tama mea namüçügümaxã ínacuaãxgũxũãcü tátama namaxã ichacuãx. Rü ngêmatama poxcu i namüçügümaxã naxuegugũxũãcü tátama chanapoxcue. Rü ngêmaãcü tá nixĩ i nüxũ nacuaãxgũxũ nax chama rü Cori ya Tupana nax chixĩxũ’ ”, nhachagürü.

.....

**Tupana rü Echequiéuxü nanawex  
nax nhuxäcü tá napoxcuäxü ya  
Yerucharéücüäxgü**

**9**<sup>1</sup>Rü yema nhaxguwena rü nüxü chaxĩnü ga wüxi ga naga ga tagaxü ga choxmaxchixéwa nhaxü: “Marü ínangugü i ngéma tá naxçax íyaxüächixü ya yima íane nax nagu napogüexüçax. Rü wüxichigü i ngéma norü uanügiarü churaragü rü naxmexgu nayange ya naxne ya namaxã tá nadaiane ya yima íanearü duüxügü”, nhaxü. <sup>2</sup>Rü nhuxüchi nüxü chadau ga 6 ga yatügü ga guma Tupanapatagu chocuxü nawa ga yema norü íax ga dauxchitawaama üxü ga nórciwa. Rü wüxichigü ga yema yatü rü nayange ga wüxi ga maxeruxü. Rü yemaarü ngäxütanügu nixüchigü ga wüxi ga yatü ga lífuchimaxã äxchiruxü. Rü norü goyexüwa nayangacuchiweü ga norü ümatüruxü. Rü yema yatügü rü Tupanapatawa nichocu, rü yema amarearü guchicaxü ga bróchenaxçaxütawa nayachaxächitanü. <sup>3</sup>Rü Tupanaarü üüne rü nüxna nayachüxächi ga yema taxre ga ixäpexátüxü ga noxri norü ngäxüwa nayexmaxü, rü Tupanapataarü íaxwaama naxü. Rü nüma ga Cori ya Tupana rü naxçax naca ga yema yatü ga lífuchimaxã äxchiruxü ga norü goyexügu ümatüruxü ingexü. <sup>4</sup>Rü nhanagürü nüxü: “¡Ëcü, nagu ixüägüchigü ya daa íane ya Yerucharéü rü yaxüégacatü i guxüma i ngéma duüxügü i nhaa íanearü chixexügagu ngechaügüxü rü ngüxü ingegüxü!” nhanagürü. <sup>5</sup>Rü yemawena nüxü chaxĩnü ga Cori ya

Tupana nax yema togü ga yatügüxü nhaxü: “¡Rü ngéma yatüwe pexixütanü nawa ya daa íane! Rü guxüma i ngéma duüxügü i ngeégacatixü ¡rü penadaix! ¡Rü tauxütáma nüxü pengechaxü rü bai tá i pexü nax nangechaütümüxügüxü! <sup>6</sup>¡Rü chapatawa tá ipenaxügü nax penadaixü rü guxütáma pedai rü yaxguäxgü, rü ngextüxügü, rü paxügü, rü buxügü, rü ngexügü! ¡Notürü taxütáma nüxü pedáu i ngéma äégacatixü!”), nhanagürü. Rü yemaacü inanaxügüe nax nadaiaxü ga yema yaxguäxgü ga Tupanapatamaxã icuaxgüxü. <sup>7</sup>Rü yemawena rü nüma ga Cori ya Tupana rü yema yatügüxü namu rü nhanagürü nüxü: “¡Rü nagu pichocu ya yima chapata rü yuexümaxã penaxãüächixëxë! Rü duüxügü i yuexümaxã penapaxëxë i naaxtü!” nhanagürü. Rü nüma ga yema yatügü rü ínachoxü rü inanaxügüe ga nax nadaiaxü ga yema íanecüax ga duüxügü. <sup>8</sup>Rü yema ínaxügüyane rü chaxicatama íchayaxü. Rü yexguma ga chama rü nhaxtüanegu chanangücuchi rü poraäcü changechaüäcüma aita chaxü rü nhachagürü: “Pa Corix, rü nhuxmax nax yima íane ya Yerucharéücüäxgümaxã nax cunuxü, rü tá cunadaixü i ngéma noxretama i Iraéutanüxü i ngéma yaxügüxü?” nhachagürü. <sup>9</sup>Rü nüma ga Cori ya Tupana rü choxü nangäxüga rü nhanagürü: “Ngéma Iraéuanecüäxgü rü ngéma Yudaanecüäxgiarü pecádu rü nataxüchi. Rü ngéma nachixüane rü máetagüxümaxã nanapá. Rü yima íane ya Yerucharéüwa rü norü duüxügü rü chixëcü nügümaxã inacuaçgü. Rü nüma nagu naxĩnüegu rü marü nüxna

chixũ i ngẽma nachixũane, rü ngẽmacax  
tama nüxũ chadau i ngẽma naxügüxũ.

<sup>10</sup>Notürü taxütáma choxũ  
nangechaütümüxũ i ngẽma duũxũgü, rü  
nüxna tá chaca naxçax ga yema  
nhuxácü chixri nax namaxẽxũ”,  
nhanagürü.

.....

**Yerucharéücüax i  
duũxũgüarü poxçu**

**11** <sup>1</sup>Rü nüma ga Tupanaãxê i  
Üünexũ rü choxũ  
nayachüxächixẽxê rü Tupanapataarü ãx  
ya léstewaama üxüwa choxũ naga ga  
Yerucharéüwa. Rü yema ãxwa  
nayexmagü ga 24 ga yatügü. Rü  
yematanüwa nüxü chacuáxũ nixĩ ga  
Yaachanía ga Achúru nane rü ga Peratía  
ga Benaía nane. Rü nümagü rü  
Yerucharéücüaxarü ãxgacügü nixĩgü.

.....

**Tupana rü Echequíéumaxá nüxũ  
nixu nax wena táxarü  
nachixüaneçax nanawoeguxẽãxũ i  
Iraéutanüxũgü**

<sup>14</sup>Rü nüma ga Cori ya Tupana rü  
wenaxarü chamaxã nidexa rü  
nhanagürü choxũ: <sup>15</sup>“Rü ngẽma  
Iraéutanüxũ i Yerucharéüwa yaxügüxũ  
rü nidexagü nachiga i ngẽma natanüxũ i  
Iraéuanecüãxgü i to i nachixüane  
woonexũ rü nhanagürügü: ‘Rü ngẽma  
tatanüxũgü i to i nachixüanewa gagüxũ  
rü Tupana ngẽxma nanawoone yerü  
poraãcü chixri namaxê. Rü nhuxmax i  
ngẽma norü naane rü tóxru nixĩ erü  
Cori ya Tupana tüxna nanaxã’,  
nhanagürügü. <sup>16</sup>Notürü i cumax, Pa

Echequíéux, rü tá ngẽma Iraéutanüxũ i  
to i nachixüanezüwa gagüxũmaxã nüxũ  
quixu i chorü ore i nhaxũ: ‘Rü woo  
ngẽma to i nachixüanezügu pexũ  
chawoone, notürü taxütáma guxũgucax  
nixĩ. Erü ngẽma nachixüanezü i nagu  
pewoonexüwa rü chamatátama nixĩ i  
pemaxã changemaxũ’, nhachagürü.  
<sup>17</sup>Rü ngẽxgumarüxũ ta namaxã nüxũ  
ixu i nhaa to i chorü ore i nhaxũ!

‘Ngẽma nachixüanezü ga nagu  
nawoonexüwa rü tá chananutaquexe rü  
wena tá nüxna chanaxã i ngẽma  
Iraéuane nax noxrü yixĩxüçax. <sup>18</sup>Rü  
nümagü rü tá nawoegu rü tá nagu  
napogüe i guxüma i ngẽma  
naxchicünaxãgü ga üpa nüxũ  
yacuaxüüügüxũ. Rü ngẽmaãcü tá nüxũ  
narüxoe i ngẽma nacüma i chixexũ.

<sup>19</sup>Rü chama rü tá chanaxüchicüxü ya  
yima norü maxüne ya taixüne nhama  
nutarüxũ. Rü nüxna tá chanaxã ya wüxi  
ya maxüne ya ngexwacaxüne rü  
ngexwacaxüxũ i naãxê tá nüxna chaxã.  
<sup>20</sup>Rü nhuxüchi tá naga naxĩnüe i chorü  
mugü rü tá nagu namaxê. Rü nümagü  
rü tá chorü duũxũgü nixĩgü, rü chama  
rü tá norü Tupana chixĩ. <sup>21</sup>Notürü ya  
yíxema nagu maxẽamaxe i ngẽma  
nacüma i chixexũ i naxchi chaxaixũ, rü  
chama rü tá ngẽmacax tüxna chaca. Rü  
chama ya Cori ya Tupana nixĩ i ngẽma  
nhachaxũ.’”

**Cori ya Tupanaarü üüne rü  
Yerucharéüna nixügachi**

<sup>22-23</sup>Rü yema ixãxpexátüxũ rü naxügü  
rü yema ibochicüxũ rü nawe  
nayachüxächitanü. Rü yema Tupanaarü  
üüne ga naétügu chüxüxũ rü nüxna

nixũgachi ga guma ãane ga Yerucharéũ.  
 Rũ norũ léstewaama yexmane ya  
 maḡpũneétũwa nayachaxãchi. <sup>24</sup>Rũ  
 nhũxũchi ga yema Tupanaãxẽ i Üünexũ  
 rũ choxũ niga rũ Babiróniaaneçax choxũ  
 natáeguxẽxẽ natanũwa ga yema  
 chautanũxũgũ ga yema gagũxũ. Rũ  
 guxũma i ngẽma nhũxmax nũxũ  
 chixuxũ rũ yema nixĩ ga Tupanaãxẽ i  
 Üünexũ choxũ nũxũ dauxẽẽxũ ga  
 yexguma choxũ nangoxetũxẽẽgu. Rũ  
 yemawena rũ inayarũtaxu. <sup>25</sup>Rũ  
 nhũxũchi ga chama rũ yema  
 chautanũxũgũ ga Babiróniaanewa  
 gagũxũmaxã nũxũ chixu ga guxũma ga  
 yema Tupana choxũ nũxũ dauxẽẽxũ.  
 .....

**Yerucharéũcũãxgũ rũ tama  
 Tupanamaxã nixaixcumagũ**

**16** <sup>1</sup>Rũ nũma ga Cori ya Tupana rũ  
 chamaxã nidexa rũ nhanagũri:  
<sup>2</sup>“Rũ cumax, Pa Yatũx, rũ chanaxwaxe  
 ya yima ãane ya Yerucharéũmaxã  
 quidexa nachiga i ngẽma taxũ i chixexũ  
 i naxũxũ. <sup>3</sup>Rũ nhacurũgũ tá nũxũ ya  
 yima ãane ya Yerucharéũ: ‘Rũ nhaa nixĩ  
 i ngẽma Cori ya Tupana cumaxã nũxũ  
 ixuxũ. Rũ yexguma noxri cungoxgu, Pa  
 Yerucharéũx, rũ Canaãarũ naanewa nixĩ  
 ga cungóxũ. Rũ cunatũ rũ  
 Amuréutanũxũ tixĩ, rũ cué rũ  
 Etétanũxũ tixĩ. <sup>4</sup>Rũ yema ngunexũ ga  
 nagu cungóxũgu rũ taxúema cuxũ  
 tiwíexũ rũ taxúema cuxũ taxaiya, rũ  
 taxúema yucüramaxã cuxũ tachaxũne,  
 rũ taxúema cuxũ tinãixãpetũnaçã. <sup>5</sup>Rũ  
 taxúeaxũma cungechaũtũmũxũ, rũ  
 taxúema cuxçax taxoégaãẽ ga mea cuxũ  
 nax tamexẽẽgũxũçax. Rũ yema ngunexũ

ga nagu cungóxũgu rũ yéa naanewa  
 cutaxmare yerũ ga duũxũgũ rũ cuwa  
 naxãũxãxgũ. <sup>6</sup>Notũrũ ga chamax rũ  
 cuxũtawa chaxũpetũ rũ cuxũ chadau ga  
 nagüétũ nax cuxũxũ rũ yemaçax choxũ  
 cungechaũtũmũxũ rũ cuxũ chamaxẽxẽ.  
 .....

<sup>8</sup>Rũ yemawena rũ wena cuxũtawa  
 chaxũpetũ rũ cuxũ chadau ga marũ nax  
 cuyaxũ rũ âmücügu nax curũxĩnũxũ. Rũ  
 nhũxũchi wũxi ga mámũxũ ga  
 naxchirumaxã cuxũ chidũxũ yerũ  
 cungexchiru. Rũ nhũxũchi cumaxã  
 chaxũga rũ cumaxã nũxũ chixu nax  
 choxrũ quixĩxũ. Rũ chama ya Cori ya  
 Tupana nixĩ i cumaxã nũxũ chixuxũ i  
 ngẽma.  
 .....

<sup>13</sup>Rũ yemaacũ, Pa Yerucharéũx, rũ  
 cugũ ícurũme namaxã i úiru rũ  
 diêrumũ. Rũ yema cuxchirugũ rũ  
 chédanaxçax nixĩ, rũ lífũchi ga meama  
 ixũmatũxũ nixĩ. Rũ yema õna ga  
 cungóxũ rũ imexũ nixĩ. Rũ yemaacũ  
 yexera cumexechi rũ ãẽxgacũ  
 naxmaçwa cunu. <sup>14</sup>Rũ guxũ i  
 nachixũanewa rũ cutachiga erũ  
 cumexechi. Rũ taxuwama cunanhuçaxũ  
 erũ chamatama nixĩ ga cuxũ  
 changaxãẽxũ. Rũ chama ya Cori ya  
 Tupana nixĩ i cumaxã nũxũ chixuxũ i  
 ngẽma. <sup>15</sup>Notũrũ ga cumax rũ curũ  
 memaxã cugũ quicuaxũxũ. Rũ yemaacũ  
 yema cuchiga ga mexũmaxã wũxi ga  
 nge ga ngeãxẽcü cugũ quixĩxẽxẽ, rũ  
 guxũma ga duũxũgũ ga yéa  
 chopetũxũna cunaxã ga cuxune.  
 .....

<sup>38</sup>Rũ nhũxmax nax choxna cungeãẽxũ  
 rũ cumáetaxũ, rũ ngẽmacçax cumaxã

chanu rü tá cuxna chixügachi nax  
cuyuxũcax’”, nhanagürü.

.....

**Wüxichigü i duũxü rü  
nanaxwaxe nax Tupanapexewa  
norü maxüna nadauxü**

**18** <sup>1</sup>Rü nüma ga Cori ya Tupana  
chamaxã nidexa rü nhanagürti:

.....

<sup>4</sup>“Rü guxüma i duũxügüarü maxü rü  
chaxmexwa nangexmagü woo yaxü rü  
buxügü. Rü yíxema chixexü úxe rü  
tümaarü chixexügagu tátama tayu. <sup>5</sup>Rü  
yíxema aixcuma mexe, rü guxãmaxã  
tixaixcuma rü aixcuma wexguxü taxü.

.....

<sup>9</sup>Rü nagu tamaxü i chorü mugü rü  
aixcuma tayanguxêxê. Rü yíxema tixí ya  
aixcuma mexe, rü ngẽmacax taxütãma  
tüxü chapoxcu. Rü chama ya Cori ya  
Tupana nixí i nüxü chixuxü i ngẽma.  
<sup>10-13</sup>Notürü ngẽxguma chi yimã yatü ya  
mecü nüxü nangexmagu ya wüxi ya  
nane ya tama nanatürüxü mea maxücü,  
notürü wüxi ya nuxwaxecü rü  
mãxwaxecü yixíxgu, rü yima nane rü  
norü chixexügagu tátama napoxcu. Rü  
yima nane rü ngẽxguma chi natanügu  
naxãxgu i ngẽma maxpúnetapexegüwa  
chibüexü rü ngẽmaãcü norü  
tupananetachicünaxãgüxü icuaxüügüxü,  
rü chi toguexü yapuxmaxgu,  
rü chi yíxema ngearü diëruãxgüxe  
rü tüxü nataxuxemaxã chixri  
inacuaxgu,  
rü chi togueaxü nangíxgux,  
rü chi tama tüxü natãgexẽãxgu i  
tümaarü ngẽmaxü i ngẽma tümaarü  
ngetanüçax nüxna taxãgüxü,

rü chi tupananetagügu yaxõõxgu,  
rü chi naxüãxgu i ngẽma chixexü i  
naxchi chaxaixü,  
rü chi norü diëru toguena ngíxü  
naxãxgu nax ngẽmaãcü tüxü  
nangíxüçax rü tacü i ngíru  
üétüçax ínacaxüçax,

rü yima nane ya ngẽmaãcü chixri  
maxücü rü ngẽmacax aixcuma tá nayu  
rü nagagu tátama nixí i ngẽma.

<sup>14</sup>Notürü ngẽxguma chi yimatama yatü  
ya chixri maxücü nüxü ngẽxmagu i  
wüxi ya nane ya nüxü daucü i guxüma i  
nanatüarü chixexügü, notürü tama nagu  
yaxüxgu i ngẽma nanatüçüma rü  
taxucürüwa nanatüarü chixexügüagu  
nayu. <sup>15-17</sup>Rü yimã nane rü ngẽxguma  
chi tama nanatürüxü natanügu naxãxgu  
i ngẽma maxpúnetapexegüwa chibüexü  
rü ngẽmaãcü norü

tupananetachicünaxãgüxü icuaxüügüxü,

rü chi tama nagu yaxõõxgu i ngẽma  
Iraéuanecüãxgüarü tupanagünetã,  
rü chi tama toguexü yapuxmaxgu,  
rü chi taxúemaxã nachixecümagu,  
rü ngẽxguma chi texé diëruçax  
nüxna çaxgu rü nüma rü tama  
norü diëruçicüxü tümaarü  
ngẽmaxüçax ínacaxgu,  
rü chi tama texéaxü nangíxgux,  
rü chi tüxü nachibüxẽëgu ya yíxema  
taiyaxe,  
rü chi tüxü naxüxchirugu ya yíxema  
ngexchiruxe,  
rü chi taxúemaama guxchaxü  
naxüxgu,  
rü chi ngearü üétüãcüma diëru  
ngíxü inaxãxgu,  
rü chi chorü mugüga naxínügu rü  
nagu namaxügu,



rü nüma rü taxütáma nanatüarü chixexügü nayu. Rü tá namaxũ. <sup>18</sup>Notürü ya yima nanatü rü norü chixexügügagu tátama nayu erü nachixecüma rü nangix rü chixexũ naxü i natanüxügütanüwa. <sup>19</sup>Rü pema tá choxna peca rü nhaperügügü tá: ‘¿Tüxcüü ya yimá nane rü tama nanatüarü chixexügü napoxcu?’, nhapegürügü tá. Dücax, rü tá pexũ changãxũ. Erü yimá nane rü aixcuma mexũ naxü rü nayanguxêxê ga chorü mugü rü nagu namaxũ. Rü ngêmacax taxucürüwama nanatüarü chixexügü nayu. <sup>20</sup>Rü yíxema chixexũ üxexicatama tá tixi ya tümaarü chixexügü poxcúxe. Rü nüma ya yimá nane ya mecü rü taxütáma nanatüarü chixexügü napoxcu. Rü wüxi i papá i mexũ rü taxütáma nanearü chixexũ naxütanü. Rü yíxema mexũ úxe rü tá tanayaxu i tümaarü ãmare naxçax i ngêma mexũ i taxüxũ. Rü yíxema chixexũ úxe rü tá tanayaxu i tümaarü poxcu naxçax i ngêma chixexũ i taxüxũ.

**Tupana rü nanapoxcue i duüxügü i ngêma nhuxãcü nax namaxêxũãcütama**

<sup>21</sup>Notürü ngêxguma wüxi ya yatü ya noxri chixri maxücü rü nüxũ naxoxgu i nacüma i chixexũ, rü naga naxínügu i ngêma chorü mugü, rü aixcuma mexũ naxüxgu rü tá namaxũ rü taxütáma nayu. <sup>22</sup>Rü guxüma i norü chixexügü rü chama rü tá nüxũ nüxũ icharüngüma, rü nüma rü tá namaxũ erü nayanguxêxê i chorü mugü. <sup>23</sup>¿Rü pema nagu perüxínüegu rü chataãxêxũ i ngêxguma nayuxgu i duüxũ i chixri maxüxũ?

Pemaxã nüxũ chixu rü tama chataãxê. Rü ngêma chama chanaxwaxexũ nixi nax çaxçax natáeguxũ, rü nüxũ naxoxũ i ngêma nacüma i chixexũ nax nüxũ nangexmaxüçax i maxũ. <sup>24</sup>Notürü ngêxguma chi wüxi i duüxũ i mea maxchiréxũ nüxũ rüxoxgu nax mea namaxüxũ, rü naxüãxgu i guxüma i chixexũ i tama namaxã chataãxêxũ ¿rü namexũ yixixũ nax tama napoxcuxü? Rü pemaxã nüxũ chixu rü tá napoxcu. Rü guxüma ga yema mexũ ga noxri naxüxũ rü chama rü tá nüxũ icharüngüma. Rü nüma rü tá nayu nagagu i ngêma norü chixexügü. Rü chama ya Cori ya Tupana nixi i ngêma nhachaxũ.”

.....

**Tupana rü Echequiéumaxã nüxũ nixu nax nhuxãcü tá Tírucüãxgüarü ãêxgacüxũ napoxcuxü**

**28** <sup>1</sup>Rü nüma ya Cori ya Tupana rü chamaxã nidexa rü nhanagürü choxũ: <sup>2</sup>“Cumax, Pa Echequiéux ¿rü nhacuxũ tá nüxũ ya ãane ya Tírucüãxgüarü ãêxgacü! Rü chama ya Cori ya Tupana rü nhachagürü: ‘Cumax, Pa Tírucüãxgüarü ãêxgacüx, rü cugü quicuaxüxũ rü cugü ícurütupanaxũ. Rü ngêmacax curü tupanetachicawa curüto, rü cuxçax rü taxucürüwa curü uanügü cuxũ narüporamae erü márcutüwa cungexma. Notürü i cumax rü tama wüxi i tupana quixi, rü wüxi i duüxümare quixi woo nagu curüxínügu nax curü tupanetaarü cuax cuxü ngêxmaxũ.

.....

<sup>4</sup>Rü cuma rü ngêma curü cuaxmaxã rü ngêma cucüma i mexcüraxümaxã

cuxú natauxcha nax cunanutaquexexú i muxúma i curú ngẽmaxúgü. Rü ngẽmaãcü úirumaxã rü diêrumúmaxã cunapagúxêxê i ngẽma curú diêruchixúgü. <sup>5</sup>Rü ngẽma nüxú nax cucuáxú nax nhuxãcü cutaxexú rü ngẽmagagu nimu i curú ngẽmaxúgü. Rü nhuxmax rü ngẽma curú ngẽmaxúgümaxã cugü quicuaxúxú. <sup>6-7</sup>Rü ngẽmacax i chama ya Cori ya Tupana nax chixúxú rü nhachagürü cuxú: ‘Rü nhuxmax nax cugügu curúxúxú rü wüxi i curú tupananaetarü cuax nax cuxú nangexmaxú, rü ngẽmacax to i nachixúanecúãx i duúxúgü i chixecúmaxú tá cuxçax nua chamugü. Rü norú taramaxã tá cuxçax ínayaxúãchi. Rü ngẽmagüpexewa rü taxuwatáma name i ngẽma curú cuax rü curú ngẽmaxúgü’”, nhanagürü ga Cori ya Tupana.

.....

**Ngechaúgaãcüma Tírucúãxgüarü  
ãêxgacúçax nawiya**

<sup>11</sup>Rü nüma ga Cori ya Tupana rü chamaxã nidexa rü nhanagürü choxú: <sup>12</sup>“Cumax, Pa Yatúx jrü ngechaúgaãcüma Tírucúãxgüarü ãêxgacúçax nawiya rü nhacuxú tá nüxú: ‘Rü nhanagürü ya Cori ya Tupana cuxú: Cumax, Pa ãêxgacúçax, rü duúxúgüpexewa rü cumexechi rü meama cungaxãxê. <sup>13</sup>Rü noxri ga cumax rü wüxi ga nachica ga mexechixú ga Edéürüxú chama cuxçax chamexêexúwa cuyexmachirêx. Rü cuma cungãxãxê namaxã ga naguxúraxúcü ga nuta ga ngaxãêruúgü ga rubí rü crisólitu, rü

yiamáchi rü topáchiu, rü beríru rü yáspe, rü chaferé rü oníchi rü esmeráda. Rü yema curú ngaxãêgü rü cuxmachinügu rü úirunaxçax nixí. Rü guxúma ga yema curú ngaxãêxúgü rü marú cuxçax ínamemare ga yexguma noxritama cungoxgu. <sup>14</sup>Rü chama rü wüxi ga chorú orearü ngeruxú ga dauxúcüãxmxêwa cuxú chayexmaxêxê nax cuxna nadauxúçax. Rü wüxi ga máxpúne ga chama chaxúünexênewa cuyexma. Rü ngextá ícuxúxúwa rü nhama woramacuritanügu ícuxúxúgurúxú cugü quixixêxê. <sup>15</sup>Rü yema cucúma rü meama iniwexchirêx ga yexguma noxri cungoxgu nhuxmata yema ngunexú nax cuwa nangóxú ga chixexú. <sup>16</sup>Rü ngẽma nax cumuarü ngẽmaxúãxúchixúgügu cutoóxê rü ngẽmacax chixexúgu cingu. Rü yemagagu chaugúxútawa cuxú íchataxúchi nawa ya yima chorú máxpúne. Rü ngẽma chorú orearü ngeruxú i dauxúcüãx ga cuxna dauchiréxú rü cuxú ínamuxúchi nawa ga yema nachica ga ngóonexú ga nawa cuyexmaxú. <sup>17</sup>Rü yema nax cumexechixúgügu cugü quicuaxúxú rü yemacax cuxna chanayaxu ga curú cuax. Rü yema nachica ga mexechixúwa cuxú charútáe nax wüxi i cugüruxú quixixúçax napexewa i ngẽma to i nachixúanecúãx i ãêxgacúgü!’”, nhanagürü ga Cori ya Tupana.

.....

**Carnérugüarü daruxú ya mecü**

**34** <sup>11</sup>Rü chama ya Cori ya Tupana rü nüxú chixu: “Rü chamatátama namaxã ichacuax rü tá

nüxna chadau i ngẽma chorü duũxũgü. <sup>12</sup>Rü ngẽxgumarüxũ ya yimá mecü ya carnérugüarü daruxũ rü naxçax naxoegaãxê i norü carnérugü i ngẽxguma nawoonemaregu, rü ngẽxgumarüxũ nixĩ i chamax i naxçax chaxoegaãxê i ngẽma chorü duũxũgü. Rü tá chayagagü i ngextá ínawoonexũwa, rü ínaxêanexũwa, rü buanecü ítaxũwa. <sup>13</sup>Rü ngẽma to i nachixũanegü i nagu nawoonexũwa rü tá chayagagü rü wüxigu tá chananguataquexexê, rü norü naanewatátama chanagagü. Rü ngẽma norü naane i Iraéuanearü maxpúnegüwa tá chanamugü nax ngẽma nachibüexũcax rü natügüwa naxaxegüxũcax. Rü ngẽmaacü waixümü i mexũ íngexmaxũwa tá nangexmagü i ngẽma chorü duũxũgü.”

.....

<sup>17</sup>Rü chama ya Cori ya Tupana rü nhachagürü: “¡Iperüxĩnüe, Pa Chorü Duũxũgü i Iraéutanüxũ! Pema i chorü duũxũgü nax pexĩgüxũ rü tá pexũ íchapoxũ nüxna i ngẽma togü i chixri pemaxá icuaxgüxũ. Notürü i nümagü rü tá chanapoxcue”, nhachagürü.

.....

#### Naxchinaxã ya ipagünechiga

**37** <sup>1</sup>Rü nüma ya Cori rü chagu naxũxmex rü choxũ naporaxê namaxã i norü pora. Rü yema Naãxê i Üünexũ rü chamaxã inacuax, rü wüxi ga metachinüxũ ga naxchinaxãmaxã napaxũwa choxũ naga. <sup>2</sup>Rü nüma ga Cori ya Tupana rü natanügu choxũ nixũgüchigüxêxê ga guma naxchinaxãgu ga yema

metachinüxũwa namaxã napaxũne. Rü namuxüchi notürü nipagümare. <sup>3</sup>Rü yexguma ga nüma ga Cori ya Tupana rü choxna naca rü nhanagürü: “¿Cuyaxõxũ yixixũ i cumax, rü daa naxchinaxãgü rü tá wena namaxêxũ?” nhanagürü. Rü yexguma ga chamax rü chanangãxũ rü nhachagürü: “Pa Corix, cuxicatama nüxũ cucuax i ngẽma”, nhachagürü. <sup>4</sup>Rü yexguma ga nüma ga Cori ya Tupana rü nhanagürü choxũ: “¡Chauégagu namaxã idexa ya daa naxchinaxãgü! Rü nhacugürü tá nüxũ: ‘Pa Naxchinaxãgü ya Ipagünex ¡rü iperüxĩnüe i nhaa Cori ya Tupanaarü ore! <sup>5</sup>Rü nüma ya Cori ya Tupana rü nhanagürü pexũ: Rü pegu tá chanaxücxêxê i maxũ nax pengüãtanücüxũcax rü wena pemaxêxũcax. <sup>6</sup>Rü wena tá chanaxücxêxê i perü tarumagü, rü tá pexũ chaxümachí, rü tá pexũ chaxüchaxmüxũ, rü tá pexna chanaxã i perü ngüãcüxü nax wena pemaxêxũcax. Rü ngẽxguma i pema rü tá nüxũ pecuaxãchí nax chama chixixũ ya Cori ya Tupana’”, nhanagürü. <sup>7</sup>Rü yexguma ga chama i Echequiéu rü yema Cori ya Tupana chamaxã nüxũ ixuxũãcü guma naxchinaxãgümaxã nüxũ chixu. Rü yexguma namaxã íchidexayane rü nüxũ chaxĩnü ga nax naxĩããchianexũ. Rü guma naxchinaxãgü rü inanaxügu nax wüxichigü nügücax naxixũ. <sup>8</sup>Rü nüxũ chadau ga ngürü nax yatarumaãxũ rü naxãmachixũ rü naxãchaxmüxũ. Notürü nangearü maxũãxgüxũ. <sup>9</sup>Rü yexguma ga nüma ga Cori ya Tupana rü nhanagürü choxũ: “¡Rü chauégagu naxçax naca ya buanecü i maxũ nawa ngẽxmacü, rü nhacuxũ tá nüxũ: ‘Pa

Buanecü i Guxüciwawa ne Ücüx ¡rü nua naxü nax cunamaxëëxüçax i nhaa naxünegü i yuexü!’” nhanagürü ga Cori ya Tupana. <sup>10</sup>Rü yexguma ga chamax rü Cori ya Tupanaégagu gumá buanecümaxã chidexa yema nüma choxü namuxürüxü, rü gumá buanecü rü ínangu rü yema naxünegügu naxücu. Rü nüma ga yema naxünegü rü wenaxarü namaxë rü inachigü. Rü yemaacü namuxüchi ga yema írudagüxü. <sup>11</sup>Rü yexguma ga Cori ya Tupana rü nhanagürü choxü: “Rü ngëma Iraéutanüxügü rü daa naxchinaxägürüxü nixigü. Rü nügümaxã nhanagürügü: ‘Rü yíxemagü rü nhama naxchinaxägü ya ipagünerüxü tixigü erü nataxuma i tóru ngüxëerüxü, rü ngëmacax tagutáma wenaxarü tachixüanecax tawoegu’, nhanagürügü. <sup>12</sup>Notürü i chama rü cuxü chamu nax chauégagu namaxã quidexaxü ¡rü nhacurügü tá nüxü! ‘Rü nüma ya Cori ya Tupana rü nhanagürü pexü: Pa Chorü Duüxügü i Iraéutanüxügüx, rü tá pexü íchangüxüxë nawa i ngëma nachixüanegü i nagu pepoxcuexü, rü tá perü naanecax pexü chawoegüxë. <sup>13</sup>Rü ngëxguma chama ngëmaäcü pexü charüngüxëëgu nax ípengüxüxüçax nawa i ngëma nachixüanegü, rü tá nüxü pecuaxächitanü, Pa Chorü Duüxügüx, nax chama yixü i perü Cori ya Tupana. <sup>14</sup>Rü chama rü tá pexna chanamu i ngëma Chauaxë i Üünexü, rü pema rü tá íperüdagü. Rü tá perü naanewa tátama wena pexü changexmagüxë. Rü ngëxguma tá nixí

i nüxü pecuaxü nax chama ya Cori ya Tupana chixüxü i pemaxã nüxü chixüxü i ngëma, rü chama nixí ichayangüxëxü. Rü chama ya Cori ya Tupana nixí i ngëma nhachaxü.’

.....

<sup>24</sup>Rü yimá chorü duü ya Dawítaxa tá nixí ya chorü duüxügüarü äëxgacü ixícu rü nüxica tátama nixí i norü darüxü yixüxü. Rü nümagü rü tá chauga naxínüe rü tá nagu namaxë i chorü mugü rü ucüxëgü. <sup>25</sup>Rü nümagü rü nawa tá namaxë i ngëma nachixüane ga norü oxigü nawa maxëxü ga chorü duü ga Yacüna chaxaxüwa. Rü ngëma tá nixí i guxügutáma nangexmagüxü i nümagü, rü naxacügü, rü nataagü. Rü yimá chorü duü ya Dawítaxa tá nixí ya guxügutáma norü äëxgacü ixícu. <sup>26</sup>Rü ngëma chorü duüxügümaxã tá chanaxuegu nax norü uanügü namaxã rüngüxmüxüçax, rü ngëmaäcü aixcuma tá nataaxëgüxüçax. Rü ngëma namaxã chaxuegüxü rü tagutáma inayacuax. Rü chama rü tá nüxü charüngüxëë nax yamüxüçax. Rü natanüwa tá chanangexmaxëxë ya chapata ya üünene nax guxügutáma ngëma nangexmaechaxüçax. <sup>27</sup>Rü chama rü natanüwa tá changexma. Rü chama tá nixí i norü Tupana chixüxü rü nümagü rü tá chorü duüxügü nixigü. <sup>28</sup>Rü ngëxguma yima chapata ya üünene natanüwa ngëxmagu, rü ngëma togü i nachixüanegü rü tá nüxü nicuaxächitanü nax chanadexü i ngëma Iraéutanüxü nax chorü duüxügü i üünexü yixigüxüçax.”

.....